



UNIVERSITÄTS-
BIBLIOTHEK
PADERBORN

Universitätsbibliothek Paderborn

Epistolarvm Innocentii III. Romani Pontificis Libri Vndecim

Innozenz <III., Papst>

Parisiis, 1682

Marbacensi Et De Salem Abbatibus Basiliensis & Constantiensis diocesum,
& H. Cellerario Basiliensi.

urn:nbn:de:hbz:466:1-20020

750 Epistolarum Innocentij III.

filium nostrum illustrem Regem Aragonum expulerunt, ut sic eum adversus eam tacitè provocarent; & ut inter eos contra iura matrimonij majoris incentivum discordia suscitarent, Regem jurare fecerunt eundem ut Montempeßulanum infra biennium non intraret. Volentes autem eidem Reginæ in suo jure adesse, qui sumus omnibus in justitia debitores, discretioni vestrae per apostolica scripta mandamus quatenus partibus convocatis, & auditis hinc inde propositis, quod justum fuerit appellatione postposita decernatis, facientes quod decreveritis per censuram ecclesiasticam firmiter observari; præfatos etiam homines Montispeßulani per eandem censuram appellatione postposita compellentes ut super expensis quas propter hac eadem fecit Reginæ, ipsi satisfaciant ut tenentur. Interim autem eosdem homines ad solvendam ipsi Reginæ medietatem omnium reddituum patrimonij ejus, & ut de subtractis satisfaciant cōpetenter, per districtiōnem ecclesiasticam, sicut justum fuerit, sublato appellationis obstaculo compellatis. Testes autem &c. Quod si non omnes &c. tu, frater Archiepiscopæ, cum eorum altero &c. Vos denique, frater Archiepiscopæ & filii Abbas, super vobis ipsis &c. Datum Laterani v. i. Idus Aprilis, pontificatus nostri anno sextodecimo.

MARBACENSI ET DE SALEM
Abbatibus Basiliensis & Constantiensis dio-
cesum, & H. Cellerario Basiliensi.

Erl. 24.
Quod spolia-
tus restitu-
dus est ante ju-
dicium.

Accedentibus ad sedem apostolicam dilectis filiis R. Præposito Marbacensi & Henrico procuratore Marbacensi Ecclesiae dilectum filium Robertum tituli sancti Stephani in Ccelio monte Presbyterum Cardinalem concessimus auditorem. Coram quo proposuit Præpositus memoratus quod cùm olim de mandato venerabilis fratris nostri Basiliensis Episcopi litterarum nostrarum contra Ottонem maledictum & reprobum fidus & verus interpres coram universo clero & terræ nobilibus & aliis multis astantibus latam à nobis in reprobum supradictum excommunicationis sententiam constanti mente ac voce intrepida divulgaret, Canonicus ejus ibi occasionem odij medicantes ubi eis dilectionis materia poterat abundare, in ipsum unanimitate conspirarunt, & quorundam laicorum favore suffulti, eum à Marbacensi Ecclesia jam annis elapsis duobus turpiter eje-
runt. Cùmque idem Præpositus à nobis obtinuerit dari Luzelacensi Abbatii & suis conjudicibus delegatis à nobis impeterent, ipse de meritis causæ diffidens ad exceptiones divertit inanes, quibusdam causis suspcionis adversus unum de judicibus alle-
gatis, in quarum probatione defecit. Iudices autem, ne viderentur mandati apostolici

conjudicibus nostris litteris in mandatis ut fratres prædictos per censuram ecclesiasticam cogerent eidem reverentiam & obedi-
entiam debitam exhibere, necnon ad venerabilem fratrem nostrum Metensem Episcopum, tunc Spirensim, nostras lit-
teras impetravit ut quoslibet imperiales ec-
clesiastica districtione compelleret ne ip-
sum in aliquo molestarent, interim dicti

Canonici adversus eum ad Abbatem Pa- * Vide capi-

riensem & suos coniudices à sede apolo- ep. ii. 12.

lica quasdam litteras impetrarunt. Idem verò judices terminum peremptorium pre-
mittentes, locum ei assignavere suspectum; & licet tam propter hoc quam alias cauſas recusationis legitimè illorum potuſet judicium declinare, tamen coram eis in modum exceptionis objecit quod prius de-
beret restitui quam adverſariorum petitio-
nibus respondere, cùm nec nudus conten-
dere nec inermem se deberet opponere mi-
micis; & ne ipsum judices ad responden-
dum restitutione non prævia cogerent, ad sedem apostolicam appellavit. Ipsi verò,
licet tractatum de compositione præmis-
tint, tamen adverſariis ipsis Præpositi ab examine venerabilis fratris nostri Episcopi
Basilensis, in quem sub interpositione fi-
dei fuerat à partibus compromissum, ad judices eosdem reversis, in ipsum Præpo-
situm absentem & non restitutum, lite nullatenus contestata, post appellationem ad nos legitimè interpolitam, depositionis sententiam promulgarunt, dantes Cano-
nicis de facto licentiam eligendi alium in paſterem. Vnde petebat idem Præpositus ut cùm ipsa sententia, si sententia dici de-
beret, contra solitum ordinem judiciorum fuerit promulgata, denuntiare dignaremus eandem irritam & inanem, & ipsi plena-
riè restituto, ejus adverſarios perjuros, excommunicatos, participantes excom-
municatis, & conspiratores, & posses-
siones Ecclesie contra tenorem confirmatio-
nis nostræ minus licetè distrahentes, face-
remus per aliquos canonica subici ultiōni. Procurator autem Canonorum proposuit ex adverſo quod cùm Canonici Marba-
censes dictum R. super perjurio dupli, dissolutione vita, furtiva subtractione pri-
vilegiorum Ecclesie, ac dilapidationis vi-
tio, coram dicto Abbe Parisensi & suis coniudicibus delegatis à nobis impeterent,
ipse de meritis causæ diffidens ad exceptio-
nes divertit inanes, quibusdam causis sus-
pcionis adversus unum de judicibus alle-
gatis, in quarum probatione defecit. Iudices autem, ne viderentur mandati apostolici

contemptores, se ad principalis questionis examen exigente justitia converterunt. Nec opus erat ut eum ad petitionem restitutionis admitterent, quem dilapidationis objectu pars altera repellebat, ne daretur eidem in re familiaris graffandi facultas. Cum enim de dilapidatione suspectus debeat ab administratione suspendi, memoratus R. evidens dilapidator existens ab administrationis petitione levi poterat exceptione repellere, contra quem, ut amoveretur ab ea, daretur actio ad agendum, nec super spoliatione hujusmodi poterat coram eisdem judicibus litigare, cum ad alios super hoc nostra litteras impetrasset. Præterea si Praepositus idem de spoliatione in modum actionis agebat, Canonorum questione, quæ ordine propositionis praecelerat, præcedere terminatione debebat.

Quod si spoliatio fuit in modum exceptio-
nis objecta, non propter hoc erat ei restitu-
tio facienda. Vnde judices ipsius Praepo-
siti, frivola appellationis diffugio nonob-
stante, cum esset in litteris nostris appella-
tionis obstatulum interdicendum, cognitis
causa meritis, in eum depositionis senten-
tiā protulerunt. Quapropter dictus pro-
curator instabat ut tentatiā ipsam, pro
qua præsumi debebat donec contrarium
probaretur, dignaremur apostolico mun-
mine roborare. Nos igitur auditis iis & aliis
per fidem narrationem Cardinalis prædi-
cti quæ fuere proposita coram eo, cum non
debuerit adversus eundem Praepositum
spoliatum post appellationem legitimam &
lite non contestata procedi, maximè oc-
casione litterarum quæ veritate tacita fue-
rant impetratae, processum judicium corun-
dem & quicquid ex eo secutum est, vel ob
id decrevimus irritum & inane. Ceterū
quia se restitui principaliter petuit Praepo-
sus memoratus, cum constaret ipsum fuisse
ab adversariis spoliatum, nos tentatiā
restituente eundem, discretioni vestrae
per apostolica scripta mandamus quatenus
ipsum in corporalem possessionem Marba-
censis Praepositurae sublato appellationis
obstatulo inducatis, & auctoritate nostra
defendatis inducendum, contradictores per
cenfuran ecclesiasticam appellatione post-
posita compescentes; proviso prudenter ut
si praefatus Praepositus merito fuerit de di-
lapidatione suspensus, adhibeatis eidem
circum curam temporalium duos viros pro-
vidos & fideles, sine quorum consilio &
assenso administrationem temporalium ne-
queat exercere, ne per usum administra-
tionis inutilis, bona Marbacensis Ecclesia

dissipentur. Deinde super aliis quæ hinc
inde fuere proposita, quia de ipsis nobis
constare non potuit, vos partibus convo-
cati, & auditis quæ duxerint proponenda,
quod canonicum fuerit appellatione post-
posita statuatis. Et si præscripta criminis
contra dictum Praepositum legitima pro-
batione patuerint, vos ipsum à regimine
Marbacensis Ecclesiae in perpetuum amo-
ventes, appellatione remota, faciat Ec-
clesia supradictæ de alio viro idoneo in
Praepositum per electionem canonicanam
provideri. Nullis litteris obstantibus præ-
ter assensum partium à sede apostolica im-
petratis. Quod si non omnes &c. duo vel-
trum &c. Vos denique, filii Abbates, su-
per vobis ipsis &c. Datum Laterani VIII.
Idus Aprilis, pontificatus nostri anno sex-
todecimo.

ABBATI ET CONVENTI *Vindocinensis.*

Dilectus filius W. monachus vester; Epiſt. 15.
Laudat refor-
mationis pro-
positum.
quem in promovendis Ecclesiæ ve-
stra negotiis follicitum comperimus &
prudentem, ex parte vestra proposuit co-
ram nobis quod in proposito & desiderio
geritis Ecclesiam <sup>* Vide Si-
mondi in No-
ris ad Goffrid.</sup> sanctæ Priscae de monte <sup>Vindoc. lib. 4.
epift. 9.</sup>
Aventino ad vestrum monasterium perti-
nentem reformare in temporalibus & spi-
ritualibus ordinare, instituendo monachos
in eadem juxta beati Benedicti regulam
Domino servituros; dummodò dignitates
& jura quæ monasterio vestro competunt
ex eadem, vobis & ipsi monasterio inte-
gra conferemus. Vnde nobis humiliter
supplicavit ut super hoc nostræ voluntatis
beneplacitum vobis rescribere dignaremur.
Nos igitur propositum vestrum commen-
dantes in Domino, & desiderium favore
benivolo prosequentes, insinuatione vobis
præsentium intimamus quod cum super
eadem Ecclesiæ nostrum vobis privilegium
concesserimus, gratum nobis & acceptum
existerit si efficaciter intenderitis ad ipsius
commodum & augmentum. Tu denique,
filii Abbas, super te ipso &c. Datum La-
terani V. Idus Aprilis, pontificatus nostri
anno sextodecimo.

SLESWICENSI EPISCOPO.

POstulasti per sedem apostolicam edo-
ceri utrum sacerdos Ecclesiam ha-
bens in una dioceſi, & residens in eadem,
domicilium vero patrimonij ratione in alia,
ibique delinquens, ab Episcopo in cuius
habet dioceſi patrimonium pro delicto ibi-
dem commisso debeat judicari, præsertim

Epiſt. 16.
Relicit ad
ejus consultu.
Cap. Postulati.
De furo compet.